



«ԱԶԳԱՐԱՐՈՒԹԵԱՆ ՓՈՂ»
Երկամսյա հոգեւոր քերթ

Պատասխանատու խմբագիր՝
հովիտ Հրաչ Գույուճեան

ACM AUSTRALIA
PO BOX 1593,
CHATSWOOD NSW 2057
EMAIL: hkiujian@acmaust.org
URL: www.acmaust.org



Բովանդակութիւն

Ոչ մէկ աչք չէ տեսեր.	3
<i>Հովիտ Հրաչ Գույուճեան</i>	
Ինօհի բերեք զանիկա	4
<i>Քաղուած</i>	
Հայաստան. բաց նամակ.	5
<i>Քնիլին Հօնքը</i>	
Բաղաամ	7
<i>Վեր. Հասպիս Արամամի</i>	
Մովսէսի անյաջողութիւնները	10
<i>Տռն Մրումը</i>	
Մերժուած մեծ հիւրը	13
<i>Քաղուած</i>	
Առաքելութիւն դէպի Հայաստան #24	14
<i>ԱՍՄ</i>	
Արցունքներս Լիբանանի համար.	15
<i>ԱՍՄ</i>	

Կազմի նկարները՝ ԱՍՄ միսինորական
ծառայութիւն, Օգոստոս 2022թ.:

Փա՛ռ տուէք Աստուծոյ՝

- Փա՛ռ տուէք Տիրոջը իր առատ
օրինութիւններուն համար:
- Ծնորհակալութիւն յայտնէք
Տիրոջը միսիոներական
ճանապարհորդութեան
ընթացքին մեզ պաշտպանելու
եւ առաջնորդելու համար:

Աղօքքի նիւթեր՝

- Աղօքեցէք Հայաստանի եւ Լի-
բանանի մէջ մեր խնամակա-
լութեան տակ գտնուող
ընտանիքներուն համար:
- Աղօքեցէք Լիբանանի մէջ
բազմաթիւ տառապեալ ներու
համար:
- Աղօքեցէք Հայաստանի եւ հա-
րեւան երկիրներու միջեւ խա-
ղաղութեան համար:
- Աղօքեցէք Հայաստան ժամա-
նած նոր բնունարկողի թղթարա-
նական աշխատանքներուն
համար:
- Աղօքեցէք Լիբանան ժամանած
բնունարկողի մաքսագերծնան
աշխատանքներուն համար:

Ոչ մէկ աչք չէ տեսեր

«Հապա ինչպէս գրուած է. «Այն բաները որոնք աչք չէ տեսեր եւ ականջ չէ լսեր ու որոնք մարդու սրտին մէջ չեն ինկեր, Աստուած զինք սիրողներուն պատրաստեց»» (Ա Կորնթ. 2:9)

Թո՞յլ տուեր հարցով մը սկսիմ: Արդեօ՞ք կը սիրեր Աստուածոյ: Եթէ այս, ապա այս պատգամը ձեզ համար է: Զեզի համար յատուկ պատրաստուած տեղ մը կայ, որը ոչ մէկ աչք չէ տեսեր, ոչ մէկ ականջ չէ լսեր, ոչ մէկ մարդու սրտով չէ անցեր:

Որոշ ժամանակ առաջ լճկերներէս մին փոքրիկ ցողուն մը նուիրեց զիս և խնդրեց որ քաղաքի մը մէջ դնեմ: Այն անսովոր բոյս էր, որը կը ծաղկէր տարին մէկ անգամ, միայն գիշերը: Ես գիշեր-ցերեկ հետեւեցի այս բոյսին: Մէկ տարուայ մէջ այն մեծ տերեւներ արձակեց: Երբ տեսայ բողբոջը՝ հասկցայ, որ շուտով ծաղկելու էր:

Ծաղիկի գլուխը սկսաւ աւելի ու աւելի մեծնալ: Ես բոյսը սենեակ բերի, քանի որ կը տեսնէի, թէ այն շուտով պիտի ծաղկէր: Այո, այդ գիշեր, մօտաւորապէս ժամը 21:00-ին բողբոջը բացուեցաւ եւ շատ անսովոր ու գեղեցիկ սպիտակ ծաղիկ մը առաջ եկաւ, այնպիսին ինչպիսին երբեք չէի տեսած: Այն ափիս չափ մեծ էր: Ես արթուն մնացի մինչեւ կեսգիշեր՝ հիանալով անոր գեղեցկութեամբ: Ժամը 3:00-ին նորէն մօտեցայ նայելու, եւ ծաղիկը դեռ ծաղկած էր, բայց ժամը 6:00-ին այն ամբողջովին թառամած էր: Այն գլուխը կախած էր:

Աստուածոյ վրայ կը զարմանամ, որ նման գեղեցիկ բոյս մը ստեղծած է, որը կը ծաղկի տարին միայն մէկ անգամ եւ այն ալ գիշերը: Բայց հիմա, երբ կը կարդամ որ Աստուած Իրեն սիրողներուն համար այնպիսի բաներ պատրաստած է, որոնք աչք չէ տեսեր եւ ականջ չէ լսեր ու որոնք մարդու սրտին մէջ չեն ինկեր, ես պարզապէս կը հիանամ ու կը պատկերացնեմ, թէ Տէրը որքա՞ն գեղեցիկ բաներ պատրաստեց Իրեն սիրողներուն համար:

Այո՛, օր մը դժուարութիւնն ու ցաւը պիտի վերանայ: Երբ Իր փառքի մէջ տեսնեմ զինք, ես ամբողջ գիշերը արթուն պիտի մնամ՝ հիանալով իմ թանկագին Տէր Յիսուսի գեղեցիկ բաներ պատրաստեց:

Եթէ Ան կրնայ այդպիսի գեղեցկութիւն մը դնել ծաղիկի մը մէջ, որը միայն ուր ժամով կը ծաղկի, ապա կրնա՞ք պատկերացնել, թէ որքան գեղեցկութիւն դրած է Ան ամբողջ յախտենականութեան մէջ: Ո՞վ քանկագին Տէր, որքա՞ն շատ սիրուած ու օրհնուած ենք Քեզմով:

Հ. Գ.

Ինծի բերէք զանիկա

Աստուծոյ մէկ զաւակը անգամ մը մեծապէս նեղուած էր իր անապաշխար եղբօրը համար: Կիրակի առտուն հոգեւոր ժողովի գընաց: Իր նիւթը սաստկապէս ծանրացեր էր սրտին վրայ: Օտար քարոզիչ մը եկած էր այն օրը եւ այն բեմէն Մարկոս 9-րդ գլուխը կարդաց: Խօսքը այնքան լրջօրէն ու զգացումով կը կարդացուէր, որ Աստուծոյ զաւակը իր վիշտը բոլորովին մոռցաւ: Երբ 18-րդ համարին հասաւ, քարոզիչը շեշտելով կարդաց սա բառերը. «Ինծի բերէք զանիկա»:

Այս երեք բառերը մեծ օրութիւնով մտան անոր սրտին մինչեւ խորեք: Անիկա ժողովին մնացած մասը չկրցաւ լսել: Աստուծմէ պատգամ մը եկած էր իրեն: Սուրբ Հոգին այս խօսքերով կը խօսէր իրեն. «Ինծի բերէք զանիկա»: Ծիշդ հնի Իր բոլոր հոգերը սովորականէն բոլորովին տարբեր կերպով մը, Տիրոջ վրայ դրաւ: Հաւատքով եւ աղօթքով, իր եղբայրը շարունակ տարաւ ողբրմած Փրկչին, որ պատրաստ ու կարող է օգնելու, ինչպէս որ կ'ըներ երբ կը պտղուէր երկրի վրայ 19 դարեր առաջ: Բեռք ինկաւ անոր վրայէն ու ան վատահեցաւ որ Յիսուս, կերպով մը, Իր ուզած ժամանակին այստի պատասխանէ: Աղօթքի տեղէն գնաց ան, ոչ թէ տխուր երեսով մը, այլ անուշ, հանդարտ վստահութիւնով մը: Անիկա Յիսուսի ծայնը լսած էր, Անոր գացած էր: Իր եղբայրը Անոր տարած էր:

Երբ հասաւ Աստուծոյ ժամանակը, անիկա իր աղօթքին պատասխանը առաւ: Իր սիրելի եղբայրը եկած էր ու կը դաւանէր Քրիստոս իբրեւ իր անձնական Փրկիչը:

Ո՞վ ընթերցող, ունի՞ս ցաւ մը, ունի՞ս վիշտ մը, փափաք մը, հոգ մը՝ Յիսուսին բեր: Հաւատքով, աղօթքով Անոր բեր: Աղօթքին պատասխանը առնելով ուրախացիր, եւ բող Տէրը փառաւորուի:

Հայաստան. բաց նամակ

Հայաստան, ինչպիսի՞ խորհրդաւոր վայր: Արդարութեան համար նշենք, որ Երեւանի կեղլոնի որոշ հատուածներ չափազանց ճնշ են, եւ կարծես թէ ոչ ոք չի գիտեր, թէ ինչպէս: Բայց ես դեռ այնտեղ չեմ գտնուած: Ես երկու փոքր քաղաք այցելեցի՝ Վանաձորն ու Կիւմրին: Այնտեղ շոայլ ճոխութիւններ չկան, իսկ այն մարդիկ, որոնց այցելեցինք, այնքան աղքատ ու խեղճ են, որ հնարաւոր չէ բառերով նկարագրել:

Այս ճամփորդութեան ընթացքին անգամ մը եւս համոզուեցայ այն ինչին կը հաւատանք «Bright Hope World»-ի մէջ: Աղքատութիւնը պարզապէս տնտեսական հարց մը չէ, այն ունի խորունկ արմատներ, որոնց գլխաւոր գործօնը կոտրուած փոխյարաքերութիւններն են: Ին հանդիպած իրաքանչիւր լնտանիքի մէջ նկատած եմ ասիկա: Այս ին գրածու մարմնաւորուած է Գոհարի պատմութեան մէջ, որուն երեկ այցելեցինք: Ան երեք զաւակներու միայնակ մայր է: Անոնցմէ երկուքը ծանր հիւանդ են ու բժշկական օգնութեան կարիք ունին: Ինքը՝ Գոհարը, վատառողջ է: Անոնք միասին կ'ապրին փոքրիկ սենեակի մը մէջ, որտեղ բորբոսի հոտը այնքան զօրեղ էր, որը շատ կը ծանրացնէր շնչելը: Դեռ տուն չմտած բորբոսի հոտը արդեն նկատելի էր: 18 տարեկանին ծնողները ստիպեցին զինք ամուսնանալ դաժան եւ բիրտ տղամարդու մը հետ: 8 տարի դիմացաւ մինչեւ ստիպուած եղաւ դուրս գալ: Երեն ծեծած էին, զիսուն վրայ կարի 23 հետք կար, իր 3 փոքրիկներով ստիպուած էր հետանալ: Իսկ հիմա ան խոցելի վիճակի մէջ է, քանի որ կը պայքարէ իր եւ իր զաւակներու գոյատեւման համար: Խզուած յարաքերութիւններ, նախ՝ ծնողներուն եւ ապա՝ ամուսնու հետ: Արդեօք յոյս կայ Գոհարի համար:

Սենք այցելեցինք զինք տեսնելու, թէ ինչով կրնանք օգնել: Ան արտասութեան մէջ դիմաւորեց մեզ, քանի որ զարմացած էր թէ խումք մը մարդիկ կ'ուզեն իր տունը մտնել եւ սէր ցոյց տալ իրեն:

Ես այստեղ եկած եմ ինը հոգիէ բաղկացած խումբով: Երեւան վայրէջ կատարեցի ուրբաք առաւտեան եւ օրանաւակայանէն զիս անմիջապէս տարին մօտաւորապէս 60 հոգանոց խումբի մը հետ հան-

դիպելու համար, այնուհետեւ՝ խումբ մի երիտասարդներու, որոնք բանակումի գացած էին:

Յաջորդ առաւօտ ուղեւորութեցինք դէպի Վաճաձոր, որտեղ հանդիպեցինք 25 ընտանիքներու, որոնց հետ առնչութիւն ունեինք: Շատ ուտելիք կար – սա կարծես այս ճամփորդութեան նշանաբանը ըլլար: Այնուհետեւ այցելեցինք մի քանի ընտանիք եւ ճամբայ ինկանք դէպի Կիւմրի, որտեղ 2 օր գիշերեցինք:

Աւարտեան խօսք՝ ձեզ ներկայացնելով խումբի միւս անդամներուն: Էտմոնը հայ տղամարդ է, ով ծնած է Սուրիոյ մէջ, բայց այժմ կ'ապրի Հոլանտայի մէջ: Ան եկեղեցիի հովի է եւ մի քանի անգամ այցելած է Հայաստան: Ան նաեւ կը ճանապարհորդէ այնպիսի վայրեր, ինչպիսիք են՝ Սուտանը, Եգիպտոսը, Մարոկկոն եւ ընկերներ ունի Եմէնի մէջ: Անոր մայրը նոյնպէս մեզ հետ էր, ով ծագումով Սուրիայէն է, բայց 2012 թուականին դուրս եկաւ Սուրիայէն իր միւս որդիին հետ ապրելու Գերմանիայի մէջ: Ասիկա իր առաջին այցն է Հայաստան, եւ հետաքրքիր էր զինք հետեւելը: Ան հայերէն շատ լաւ չէր գիտեր:

Հրաշ եւ Քլարա Գույումեանները՝ Հայ քրիստոնէական առաքելութեան ղեկավարներն ու հիմնադիրներն են: Հրաշը ծնած է Եզիպոտոսի մէջ, իսկ Քլարան՝ Պարսկաստանի մէջ, եւ կ'ապրին Աւստրալիոյ Սիտնի քաղաքին մէջ: Անոնք կը սիրեն իրենց ազգը եւ լաւագոյնը կը փափագին անոնց համար: Վերջին 26 տարիներուն կանոնաւոր կերպով այցելած են Հայաստան եւ Աւստրալիայէն բեռնարկղներու տեսրով բարեգործական օգնութիւններ տրամադրած են իրենց հովանաւորութեան տակ գտնուող կարիքաւոր ընտանիքներուն:

Այնուհետեւ ունինք Աւստրալիացի ընտանիք մը՝ Բրոնուինն ու Ուպէրտը, եւ իրենց որդի՝ Սթիվենը: Անոնք կը սիրեն Հայաստանը եւ մի քանի անգամ այցելած են:

Նաեւ տօքքոր Դանիէլ Շէյմսը, Աւստրալիացի բժիշկը, ծագումով Սիմկապուրէն: Ան տարիներ շարունակ պարբերաբար այցելած է Հայաստան: Լաւ է խումբին մէջ բժիշկ ունենալը: Դեղորայքի կարիք ունեցողներու թիւը չափազանց շատ է, եւ մեր բժշկի ներկայութիւնը օգնեց շատերուն ճիշդ դեղորայք ընդունելու:

Քեվին Հօնը

Բաղաամ

Թուոց 22-31

Հին Կտակարանի անձնաւորութիւններէն Բաղաամ անունով մարդարէ մը կար որ նոյն ատեն հմայութիւն ալ կ'ընէր: Բաղաամ հակասութիւնով լեցուն մարդ մըն էր: Երբ Խորայէլի ժողովուրդը Եզիաւտոսէն ելաւ Քանանու երկիրը երթալու, եկաւ Մովարի եւ Մաղիանի երկիրը, ուրկէ պէտք էր անցնէր, Մովարի թագաւորը՝ Բաղակը, ուզեց մեկը գտնել որ Խորայէլի ժողովուրդը անիծէ, եւ Բաղաամի մարդ դրկեց այս պաշտօնին համար խոստանալով անոր վարձատրել: Բաղաամ երբ լուրը առաւ, մերժեց, բայց ետքը զնաց: Թագաւորը զինք լեռ տարաւ որ այդտեղէն տեսնէ Խորայէլ ժողովուրդին թագմութիւնը դաշտին մէջ, սակայն Բաղաամ ըսաւ. «Թէպէտ եկայ, բայց ինչ որ Տէրը ըսէ ինձի ան պիտի ըսեմ»: Լեռան վրայ սեղաններ շինեցին ու խոյեր զոհ մատուցին Աստուծոյ, սակայն երեք անգամ հարցնելէ ետք Աստուած դարձեալ ըսաւ Բաղաամի որ օրինէ Խորայէլի ժողովուրդը: Բաղակ շատ բարկացաւ եւ Բաղաամը տուն դարձուց որովհետեւ զայն հոն բերած է որ անիծէ ժողովուրդին:

Այս մի քանի գլուխներուն մէջ հետեւեալը տպատրիչ է Բաղաամի մասին. Բաղակի պատգամաւորները եկան Բաղաամի եւ խնդրեցին որ երթայ թագաւորին, Խորայէլի ժողովուրդը անիծելու: Բաղաամ Աստուծոյ մարդ էր, զիտէր ինչ պատասխան պիտի տար անոնց, սակայն մարդոց ըսաւ որ հոն կենան այդ զիշեր եւ յաջորդ առաւօտ իրենց պիտի պատասխաններ Աստուծոյ հարցնելէն ետք: Այդ զիշեր Աստուած Բաղաամի կը հարցնէ թէ այդ հերթանոս մարդիկը ի՞նչ գործ ունին իր տան մէջ: Բաղաամ կը ջանայ արդարացնել ինքզինքը սակայն Աստուած կը լրսէ. «Անոնց հետ չես երթար»: Արդեօք այսօր մենք ալ նոյնը չե՞նք ըներ: Երբ բան մը զիտենք որ սխալ է, բայց քանի որ մեր խորհուրդներուն, մեր միջավայրին, մեր պարագաներուն կը յարմարի, կ'ուզենք այդ արդարացնել, եւ կ'աղօթենք Աստուծոյ որ պատասխանէ, եւ պատասխանը զիտնալով հանդերձ կը ջանանք Աստուծոյ միտքը փոխել կարծես: Այս կը նմանի մեր փոքրիկ զաւակներուն, որոնք հակառակ իրենց ծնողքի ոչ ըսելուն, կը պնդեն իրենց խօսքը մինչեւ ձանձ-

բացնեն զանոնք եւ այդ ըսել տան: Մենք ալ կը խորիհնք որ Աստուած նոյնն է: Բաղաամ իսկ ըսաւ. «Սիրէ Աստուած մա՞րդ է որ ըսածին վրայ գոջայ»: Աստուած քանիցս ըսաւ Բաղաամի որ օրինէ Խրայէլի ժողովուրդը:

Այսօր Աստուած մեզի գալով չըսեր. «Հետդ եղող մարդը ո՞վ է: Գրպանի շահած դրամդ ո՞ւր է: Այդ բռնած դիրքի ի՞նչ է: Դիմացինին ցուցաբերած ոչ քրիստոնէական հոգիի ի՞նչ է: Դուն կը խորիիս թէ հաւատացեա՞լ ես, մարզարէ՞ ես, բայց այս վարմունքը եւ այս վարուելակերպը ի՞նչ է»: Մենք երբեմն կը ջանանք արդարացնել մեր ըրածը բայց Աստուած Իր միտքը պիտի չփոխէ»: Դուն ուզածիդ չափ քու արարդը արդարացուր, քու ըրած սխալդ շիտակ ըսէ, բայց եթէ Աստուծոյ Խօսքին լոյսին տակ անիկա սխալ է, դուն եւ ես չենք կրնար համոզել զԻնք: Աստուծոյ միտքը չենք կրնար փոխել:

Բաղակի պատգամաւորները դարձեալ կուգան, Բաղաամ նորէն այդ մարդիկը իր տունը կը պահէ, որպէսզի Աստուծոյ հարցնէ թէ կրնայ երթալ կամ ոչ: Աստուած Իր ըսելիքը մէկ անգամ կ'ըսէ: Եթէ կը հասկրնաս, պատիմին սպասէ: Այս անգամ Աստուած կըսէ. «Քանի երթալ կ'ուզես, զնա՞»: Ահա այն մարդը որ ըսած էր «Ոսկի ալ տան չեմ երթար», ելաւ եւ զնաց:

Ինչպէս յիշեցի թէ պզտիկները մեր համբերութիւնը կը փորձեն կրկին անգամներ, սատանան ալ նոյնը կ'ընէ եւ կը համոզէ որ այն ինչ որ մեղք է, սխալ է, ալ սովորական դարձած բան մըն է, չվնասէր: Նոյնը եղաւ Բաղաամի պարագան: Պատրաստուեցաւ մարդոց հետ երթալու առանց անդրադառնալու որ իր ըրածը սխալ է, սակայն ճամբուն վրայ իր սխալը տեսաւ: Ե՞րբ: Երբ որ Աստուծոյ հրեշտակը տեսաւ: Երեք անգամ իր էշը ճամբէն կը շեղի եւ Բաղաամ երեք անգամին ալ էշը կը ծեծէ: Էշը բան մը կը տեսնէր որ ինք չէր տեսներ: Իր աչքին առջեւ Բաղակի պալատը կար, անոր ոսկին կար: Երբ որ այս աշխարհի վառքին, հմայքին կը նայիս, վստահ եղիր զԱստուած պիտի չտեսնես, Աստուծոյ վառքին պիտի չարժանանաս: Երրորդ անգամ էշը խօսեցաւ ըսելով, ինչո՞ւ զիս կը ծեծես, յանցաւորը դուն ես, մեղաւորը դուն ես, ահա հրեշտակը սուրով կեցած է եւ պիտի սպաննէ թեզ եւ դուն այնչափ տարուած ես, որ Աստուծոյ հրեշտակը չես տեսներ, եւ էշը կը ծեծես: Որչափ դիւրին է մեր ըրած մեղբերուն համար ուրիշը յանցաւոր բռնել.

ուրիշը այպահել փոխանակ զղալու: Շփորութեան մէջ Աստուծոյ ձեռքը չենք տեսներ: Եշը խօսելէն վերջ Բաղաամի աչքերը բացուեցան եւ գիտակցեցաւ իր յանցանքին: Սեր սխալները չենք տեսներ մինչեւ որ Աստուծոյ առջեւ չգանք: Սակայն Բաղաամ տակաին շարունակեց իր ճամքան եւ Բաղակի հետ խնճոյքի նստաւ: Երեւակայեցէք որ Աստուծոյ ժողովուրդին թշնամիներուն հետ Աստուծոյ մարդը խնճոյքի նրանք է: Միթէ մենք ալ նոյնը չե՞նք ընէր մեղատրներու հետ Աստուծոյ գործին, Աստուծոյ զաւակներուն, Աստուծոյ տանը դէմ խօսելով:

31-րդ գլխուն 16-րդ համարին մէջ Աստուած Բաղաամը մեռցնել կուտայ իր Աստուծոյ թշնամիներուն տուած խորհուրդին (վարդապետութեանը) համար. Բաղաամ ըսաւ Բաղակի. «Այս ժողովուրդը չեն կրնար անիծել որ Աստուած զիրենք զարնէ, բայց մէկ կերպ կայ որ Աստուած զիրենք զարնէ, այն ալ եթէ այս ժողովուրդին մեղք կրնաք գործել տալ. Աստուած զիրենք կը զարնէ: Գացէք իրենց հետ ապրեցէք, իրարու հետ խնամութիւն ըրէք. Աստուծոյ ժողովուրդը հերանս ժողովուրդին հետ խառնուի եւ այդ պատճառաւ անոնք պիտի սկսին ձեր չաստուածները պաշտել, եւ այն ատեն Աստուած պիտի բարկանայ եւ զիրենք անիծէ»: Իսկապէս ալ Խարայէլի ժողովուրդը իր Աստուածը ձգեց, զնաց Սովարացոց չաստուածները պաշտեց, եւ Աստուած անոր համար իրենց մէջէն 24,000 մարդ սպաննեց եւ այդ գաղափարը Բաղաամի գաղափարն ըլլալով անոր ալ պատժեց:

Այսօր պատկերը նոյնն է, եկեղեցին եւ աշխարհը, հայատացեալները եւ մեղատրները: Աստուծոյ Խօսքը կ'ըսէ մենք անոնց հետ գործ չունինք: Անոնց հետ պիտի չխառնուինք, անոնց ընտրած ճամքաները պիտի չընտրենք: Բաղաամը այսօր քեզի եւ ինծի կը խօսի⁹: Այն, ինծի կը խօսի թէ Աստուած նոյնն է, իր միտքը չի փոխեր, ես իրեն պէտք է ենթարկուիմ, ոչ թէ ինք ինծի, այն ատեն է որ ես կրնամ Տիրոջը հաճելի զաւակ ըլլալ, թէ ոչ եթէ երկուրին միջեւ պիտի տատանսիմ, աջ ու ձախ երթամ, իմ վախճանս Բաղաամի պէս կ'ըլլայ: Բաղաամ ըսաւ. «Երանի թէ վախճանս արդարներու վախճանին պէս ըլլայ եւ ես արդարներու մահովը մեռնիմ»: Ինչո՞ւ իր մահը արդարներուն վախճանին պէս չեղաւ, քանի որ արդարներու պէս կեանք չ'ապրեցաւ: Եթէ արդարի պէս կ'ուզես մեռնիլ, արդարի պէս ալ կեանք պէտք է ապրիս: Թող Տերը Բաղաամի միջոցաւ քեզի եւ ինծի խօսի, որ մենք այսօր մեր կեանքերուն զգոյշ ըլլանք: Ամէն:

Մովսէսի անյաջողութիւնները

Ելից 4:26–5:23

Մովսէսը պատրաստուեցաւ Եգիպտոս վերադառնալու. ան վերջապէս կ'ուզէր Աստուծոյ կամքը կատարել: Այնուամենայնի, հետաքրքրական է իմանալ, թէ ինչ մտքեր ունեցաւ ան: Ի՞նչ կը սպասէր, որքանո՞վ հասկցած էր Աստուծոյ այն արտայայտութիւնը, որ փարաւնը թոյլ պիտի չտար ժողովուրդին Եգիպտոսէն դուրս գալ:

Երբ ամէն ինչ սխալ կ'ընթանայ

Սկիզբը կը թուար թէ ամէն ինչ լաւ կ'ընթանար: Ահարոնը հանդիպեցաւ Մովսէսին, ինչպէս Աստուած պատուիրած էր: Անոնք միասին հանդիպեցան իսրայէլացիներու երեցներուն, ովքեր ողջունեցին այն լուրը, որ Աստուած պիտի օգնէր Իր ժողովուրդին: Յետոյ անյաջողութիւններ եղան: Ինչպէ՞ս կ'արձագանգենը, երբ ամէն ինչ ըստ ծրագրի չի ընթանար:

Մտածեցէք պատահածի մասին: Թէեւ իսրայէլի երեցները ուրախ էին Մովսէսի խօսքերէն, փարաւնը, անշուշտ, այդպէս չէր: Երբ Մովսէսն ու Ահարոնը զացին անոր մօտ՝ Տիրոջը հրամանով, որ ան ազատ արձակէ իսրայէլացիներուն, վերջինս հարցուց, թէ ո՞վ է Եհովան: Ան ոչ միայն հարցուց, թէ ո՞վ է Աստուած, այլև ըսաւ, թէ թոյլ պիտի չտար Իսրայէլին երկրէն դուրս գալ:

Փոխարէնը՝ փարաւնը դժուարացուց ստրուկներու կեանքը: Առաջ անոնց կը տրամադրուէր աղիս պատրաստելու համար անհրաժեշտ ծղոտը, այժմ անոնք պէտք է գտնէին աղիսը եւ նոյն չափարաժինն արտադրէին: Երբ իսրայէլացիները ծեծի ենթարկուեցան օրական չափարաժինը չներկայացնելու համար, անոնք շուտով պարզեցին, որ փարաւնին բողոքելը ոչ մէկ արդինքի պիտի չյանգեցնէր: Ան կը մեղյուրէր իրենց ծովութեան մէջ եւ մտադրութիւն շունէր անոնց կեանքը թեքեւցնելու:

Իսրայէլացիներու երեցները գաղափար չունէին Աստուծոյ եւ չար ուժերու միջեւ պայքարի մասին. անոնք պարզապէս կը տեսնէին, որ իրենց ստրկութիւնն աւելի դաժան էր, քան առաջ: Անոնք Մովսէսին ու

Ահարոնին մեղադրեցին իրենց անախորժութիւններուն համար:

Մովսէսի արձագանքը

Մովսէսը չէր գիտեր, թէ ինչպէս վարուէր իր առջեւ ծառացած խնդրի հետ: Փաստօրէն, ան Տիրոջ լսաւ, որ լրած է այն, ինչ իրեն լսուած էր ընել, եւ ամէն ինչ աւելի վատ դարձաւ, քան առաջ էր:

Ան հարց տուաւ. ինչո՞ւ մեզ նեղութեան մէջ նետեցիր: Ինչո՞ւ ինծի կ'ուղարկես: Այդպէս ըրիր, որպէսզի ձախորդուի՞ն: Մովսէսը շտեսաւ (յաճախ մենք նոյնպէս) Աստուծոյ եւ Իր զօրքերու ու չար ուժերու միջեւ շարունակական պայքարը: Սա պատահեց Յովսէփի հետ: Փարա-տնի ծառայի երազը բացատրելէն ետք ան լսաւ.

«Բայց քեզի բարիք եղած ատեն զիս միտքդ քեր, կ'աղաչեն քեզի, ինծի բարութիւն ըրէ եւ զիս փարաւոնին առջեւ յիշելով՝ զիս այս տու-նէն դուրս հանէ: Քանզի իրաւունք գողութեցայ Եբրայեցիներու երկ-րէն եւ հոս ալ բան մը չըրի որ զիս այս գուրը նետեն» (Ծննդ. 40:14-15):

Բայց Յովսէփը շտացաւ այն օգնութիւնը, որուն կը սպասէր: Այսու-հետեւ, երբ փարաւոնը տեսաւ իր երազները, Յովսէփին բանտէն կան-չեցին՝ թագաւորի անմիջական խորհրդատուն ըլլալու համար:

«Երբ սով բերաւ երկրի վրայ, հացին բոլոր զօրութիւնը կոտրեց: Ա-նոնց առջեւէն մարդ դրկեց, Յովսէփը՝ որ ծառայութեան ծախութեցաւ: Անոր ոսքերը կապաճրով նեղեցին, անոր անձը երկարի մէջ դրուեցաւ՝ մինչեւ այն ժամանակ, երբ անոր խօսքը եկաւ, Տիրոջ խօսքը փորձեց զանիկա: Թագաւորը դրկեց ու արձակեց զանիկա: Ժողովուրդներուն իշխանը ազատեց զանիկա: Իր տանը վրայ տէր կեցուց զանիկա եւ իր բոլոր ունեցածին վրայ՝ իշխան, որպէս զի անոր իշխանները իր ուզա-ծին պէս կապէ ու անոր ծերերը իմաստուն ընէ» (Սաղ. 105:16-22):

Միայն տարիներ անց, երբ Յովսէփը միացաւ իր եղբայրներուն, կըր-ցաւ լսել, որ այն շարիքը, որը անոնք նախատեսած էին, Աստուծոյ կող-մէ ծրագրուած էր բարիքի համար: Միայն փորձութիւններէն յետոյ Յով-սէփը կրցաւ տեսնել Աստուծոյ գերիշխող ձեռքը:

Դաւիթը եւս մէկ օրինակ է, ով ընտրուած էր Աստուծոյ կողմէ եւ յե-տոյ ստիպուած էր սպասել, մինչեւ Սավուդի մահանալը: Որքա՞ն յա-ճախ Դաւիթը կը մտածէր, թէ ինչու ինքը անապատին մէջ կը թաքնուէր:

Այնուամենայնիւ, ճիշտ այնտեղ ան շատ մօտիկէն ճանչցաւ իր Աստուծոյն: Այնտեղ ան նաեւ սորվեցաւ ղեկավարել տարրեր քնաւորութեան տէր մարդկանց:

Մինչ կ'անցնինք դժուար ժամանակներով, յաճախ չենք տեսներ այն ընդհանուր ծրագիրը, որն Աստուած ունի մեզի համար: Մենք չենք զիտեր այն ուղին, որը Ան ծրագրած է, որը մեզ աւելի կը մօտեցնէ դէպի Իրեն:

Երբեմն Ան կրնայ բացայայտել, թէ ինչու որոշ բաներ կը պատահն. Ան այդպէս ըրաւ Պօղոսին՝ մարմնի փուշ ուղարկելու ժամանակ: Բայց հնարաւոր է՝ մինչեւ ամէն ինչ աւարտելը մենք չգիտակցինք, թէ Աստուած ինչ ծրագրած է:

Ինչպէ՞ս կ'արձագանքէինք

Յովսէփը ճիշդ դիրքորոշում քոնեց: Մեզ համար հարցն այն է, թէ արդեօր համբերութեամբ կը սպասէի՞նք, որ Աստուած ընէ այն, ինչ ինք կ'ուզէ ընել: Ցաւօք, յաճախ անհամբեր ենք՝ ակնկալելով, որ Աստուած անմիջապէս փոխէ իրադարձութիւնները:

Մովսէսը կը բողոքէ

Մովսէսը չէր հասկցած, որ Աստուած գիտէր ապագայի դէպքերը, երբ ըստ, թէ Վստահ է, որ փարաւոնը չ'արձակէր ստրուկներուն: Այնուամենայնի, փարաւոնը վերջնական իշխանութիւնը չէր, թէ՝ ինքը, թէ՝ Մովսէսը իմանալու էին, որ Աստուած կը վերահսկէ եւ պիտի ստիպէ փարաւոնին հնազանդիլ իր հրամաններուն:

Մովսէսն իր ժողովուրդի երեցներուն կողմէն նախատուելէ յետոյ վերադարձ Տիրոջ մօտ՝ իր բողոքները ներկայացնելու համար: Ան կը մտածէր իսրայէլացիներու առջեւ ծառացած լրացուցիչ խնդիրներու մասին եւ ուստի հարցուց, թէ ինչո՞ւ Աստուած իրեն ուղարկեց փարաւոնին: Փարաւոնը ոչ միայն մերժած էր իսրայէլացիներուն արձակել, այլեւ աւելցուցած էր անոնց տառապանքները, իսկ Աստուծոյ կողմէ Իր ժողովուրդին ազատելու ոչ մէկ նշան չկար: Կը թուայ թէ՝ Մովսէսը կ'ուզէր իր յանձնարարութենէն խուսափիլ:

Աստուած կը վերահսկէ

Այնուամենայնի, Աստուած մտադրութիւն չունէր Մովսէսին փարա-

ունի հետ խօսելու իր պարտականութենէն արձակելու, ոչ ալ թոյլ պիտի տար, որ փարաւոնը շարունակէր չհնազանդել Իրեն: Փարաւոնը կրնար փորձել ուժով պահել իսրայէլացիներուն, բայց ի վերջոյ ան նոյնքան ուժգին հրամայեց իրենց հեռանալ իր երկրէն:

Նախ՝ Աստուած Մովսէսին յիշեցուց, թէ ով է Ինքը: Ան ըսաւ «Ես ես Յահվեն» (սովորաբար կը թարգմանուի որպէս SEГ՝ ուխտ պահող Աստուած): Ան էր, ով յայտնուեցաւ Աքրահամին, Խահակին եւ Յակոբին, որպէս ամենակարող Աստուած՝ Էլրիհմ Շաղդայ՝ ամենակարող Աստուած: Սակայն Եհովայ, Տէր անունով Ան շյայտնուեցաւ անոնց:

Աստուած արդեն Մովսէսին յայտնուած էր որպէս Յահվե՝ Տէր: Աստուած ընդգծած էր Իր անուան մէկ կողմը. Ան յաւերժ գոյութիւն ունեցողն է՝ ԵՍ ԵՍ-ը: Ան է, ով կայ եւ եղած է եւ միշտ պիտի ըլլայ: Այժմ Տէրը աւելցուց Մովսէսին ուղղուած Իր յայտնութիւնը՝ յիշեցնելով իրեն, որ Ինքը ուխտ պահող Աստուած է: Ան Իր ուխտը հաստատած էր Աքրահամի, Խահակի եւ Յակոբի հետ՝ խոստանալով անոնց Քանանի երկիրը տալ, որտեղ իրենք կ'ապրէին որպէս պանդուստ:

Տոն Սթորմը

Մերժուած մեծ հիւրը

Վիենացի յայտնի բժիշկ Ասոլֆ Լորենց՝ անցեալ դարուն կիսուն ապրող աշխարհահոչակ վիրարոյժ մըն էր: Ամէն կողմէ մարդիկ իրեն կը դիմէին եւ իր միջամտութիւնը կը խնդրէին՝ քանկազին կեանքեր ազատելու համար: Անկարող ըլլալով գոհացում տալ բոլորին, ուրիշ մասնագէտներ պատրաստեց: Իր օգնականներուն սորվեցուց վիրարուժական արուեստին բոլոր գաղտնաիքները, եւ այս կերպով գործը քիչ մը թերեւցաւ: Ուստի կարողացաւ Սիացեալ Նահանգներ երթալ, ուր հրաիրուած էր դասախոսելու կուրաղիքին եւ աղեքափութեան գործողութիւններու մասին:

Օր մը՝ ծանր աշխատանքէ մը ետք՝ դուրս ելաւ գիշեր ատեն, մաքուր ող շնչելու եւ պտոյտ մը ընելու համար: Յանկարծ սեւ ամպեր կուտակ-

ուեցան երկինքը, եւ տեղատարափ սկսաւ: Բժիշկը բախեց գեղեցիկ տեսքով տան մը դրուր՝ դրպէսզի անձրեւէն պաշտպանոյի: Սակայն ջղայնացած կին մը դրուր բացաւ եւ հապճեպով ըսաւ. «Մենք այսօր մեծ նեղութեան մէջ ենք: Գացէք եւ դրացիի մը յարկին տակ ապաստան փնտռեցէք»: Եւ անմիջապէս զոցեց դրուր: Տօքոր Լորենց փողոցը ելաւ այդ աննպաստ օդին: Անձրեւն ու փոթորիկը մինչեւ իր ոսկորները կը բափանցէին: Վերջապէս մարդ մը զինք գտնելով՝ կառքի մը մէջ դրաւ եւ պանրով տարաւ:

Այդ նոյն զիշերը՝ վերոյիշեալ կինը օրաբերք կը կարդար: Առաջին էջին վրայ աչքին զարկաւ նշանաւոր վիրաբոյժին նկարը: Անմիջապէս զայն ճանչցաւ եւ բացազանչեց.

Աստուած իմ, ինչ ըրի: Մերժեցի տանս դրուր բանալ այն միակ անձին՝ որ կրնար մեր աղջիկին կեանքը փրկել: Թերեւս եթէ հիմա ալ իրեն պատմենք մեր պարագան, ան զբայ մեզի եւ կատարէ մեր խնդրանքը:

Ուստի վազեց դէպի պանդոկ: Հոն իրեն ըսուեցաւ թէ նշանաւոր բժիշկը դասախոսութեան մէջ էր, եւ թէ կարելի չէր զինք խանգարել: Կինը անձկութեամբ սպասեց, բայց ի զուր: Ասողի Լորենց ուրիշ դրոնէ մը ելելով շոգեկառք առաւ, եւ հեռաւոր քաղաք մը զնաց:

Յիսուս Քրիստոս՝ աշխարհի Փրկիչը եւ հոգիներուն մեծ Բժիշկը՝ կը բախէ շատերուն սրտերուն դրուր, Ան կ'ուզէ բուժել անոնց հիւանդ հոգիները եւ մեղսալից սրտերը: Սակայն անոնք կը մերժեն ընդունիլ այն միակ Անձը, որ կարող է զիրենք ազատել մեղքի ու մոլորեան շղթաներէն: Առաքեալը կ'ըսէ. «Ուրիշ մէկով փրկութիւն չկայ. վասն զի անկէ զատ ուրիշ անուն մը չկայ երկնքի տակ՝ մարդոց մէջ տրուած, որով կարող ըլլանք փրկուիլ» (Գործ 4:12): «Հապա մենք ինչպէ՞ս պիտի ազատինք՝ եթէ անհոգ ըլլանք այնպիսի մեծ փրկութեան մը մասին, որ նախ Տերոջմէն հոչակուեցաւ ու լսողներուն ձեռքով հաստատուեցաւ» (Եբր. 2:3):

Քաղուած «Զմայլելի դրուազմեր» գրքէն



Առաքելութիւն դէպի Հայաստան #24

Փառ կուտանք Տիրոջը, որ այս տարի ինը հոգանոց միսիոնարական խումբ կազմեցինք: Եղբայրներ միացան Հոլանտիայէն, Նոր Զելանդիայէն, Հարաւային Աւստրալիայէն եւ Նոր Հարաւային Ուելսէն:

Մեր աշխատակիցներն ու Հայաստանի մէջ մեր խնամակալութեան տակ գտնուող քազմաքի ընտանիքներ անհամբերութեամբ կը սպասէին մեզ կրկին տեսնելու՝ համաձարակի հետեւանքով երեք տարուայ ընդմիջումէն ետք:

Մեր մէջ կային վեց քարոզիչներ, ովքեր այցելեցին քազմաքի եկեղեցիներ, կատարեցին քացօթեայ աւետարանչական ժողովներ եւ մանկական հաւաքոյթներ: Ամենակարեւոր իրադարձութիւններէն մէկը 22 անձանց մկրտութիւնն էր, ովքեր Տիրոջը ընդունած էին համաձարակի ժամանակ:

Երեւանի մէջ Տիրոջը ընծայեցինք մեր նոր շենքը՝ «ՓԱՐՈՍ»-ը: Ասիկա մեր կեդրոնական գրասենեակը պիտի ըլլայ, որտեղ պիտի կարողանանք վարել մեր մանկական ծառայութիւնները, սուրբգորոց սերտողութիւնները, հիւրնկալել մեր հիւրերը եւ պահեստաւորել որոշ ապրանքներ, որոնք Աւստրալիայէն ժամանակ առ ժամանակ կը ստանանք:

Այս անգամ նոյնպէս շատերն ընդունեցին Քրիստոսին, որպէս իրենց Փրկիչը: Մարտոնն ու Աշոտը կը շարունակեն խնամակալել անոնց Քրիստոսի Խօսքով:

Կարողացանք այցելել մեր կարիքաւոր ընտանիքներէն շատերուն՝ քաջալերելով անոնց եւ աղօթելով անոնց համար: Կը խնդրենք յիշել ACM-ը ձեր աղօթքներուն մէջ: Յատկապէս աղօթեցք, որ Հայաստանի եւ հարեւան երկիրներուն միջեւ խաղաղութիւն ըլլայ:

Եթէ Տէրը կ'առաջնորդէ ձեզ ընտանիք մը հովանաւորել, ապա կը խնդրեմ այցելել մեր կայքէջը՝ www.acmaust.org:

ԱՍՍ

Արցունքներս Լիբանանի համար

ACM-ը կը հովանաւորէ Լիբանանի որոշ կարիքաւոր ընտանիքներու, եւ այս ծառայութեան համար երկու գործընկերներ ունինք Լիբանանի մէջ, որոնք կ'աջակցեն մեզ:

Աստուած օրինած է Լիբանանը բնական գեղեցկութեամբ, բայց ցաւալի է տեսնել, թէ մարդիկ ինչ ըրած են այս գեղեցիկ երկրին:

Դրամատուները թալանած են ներդրուած ողջ գումարը: Այսօր ամենահարուստը նոյնքան աղքատ է, որքան կողքի հարեւանը: Զորը պէտք է ծախու առնել, լոյսը օրական մէկ ժամով է, ոչ մէկ պիզնես չի կրնար զործել, մարդիկ տունը նստած են մքութեան մէջ, ինդերնեղը հասանելի է օրական ընդամենը մէկ ժամով... աշխատանք չկայ, գնած է, իսկ դեղորայք գտնելը շատ դժուար է:

Չորս օր ապրեցանք այս մարդկանց հետ, տեսանք անոնց սարսափելի կենցաղային պայմաններն ու շատ ընտանիքներու տառապանքները:

Այնքան մեծ քաղց կար Խօսքին նկատմամբ: Շնորհակալ եմ Աստուծոյ, որ կրցայ քարոզել կիրակի մը եւ նաեւ սնունդի տոպրակներ բաժնել 200 ընտանիքներու:

Եթէ Տերը կ'առաջնորդէ ձեզ Լիբանանցի ընտանիք մը հովանաւորել, ապա կը խնդրեմ այցելել մեր կայքէջը՝ www.acmaust.org:

ԱՍՍ



ՀԱՅ ՔՐԻՍՏՈՆԵԱԿԱՆ